

կան ցեղերի պատմութիւնն է միայն: Այնտեղ ժողովրդական պարապմունքների և արհեստների մասին ոչինչ չը կայ *:

Պատմութեան մէջ առհասարակ ժողովրդի, այդ ռամիկ կոչված արարածների վերայ խօսում է այն ժամանակ միայն, երբ որ նոքա սովից կամ վարակիչ հիւանդութիւններից ջարդվել են տասնեակ հազարներով, կամ մի բռնաւորի ոտի կոխան են եղել, գերի են գնացել և կամ դաղթել են: Դրանով միայն մենք հասկանում ենք, որ Հայաստանում ժողովուրդ էլ է եղել: Բայց նա այնքան ոտոր է եղել, որ ջորիների ու ազնիւ ձիերի ցեղերը աւելի լաւ մտքով են յիշում պատմութեան մէջ: Իսկապէս նա զրօի նշանակութիւն է ունեցել,

* Մասնօթ. 1878-ին Գանձակի հարաւային լեռները (Արցախի մէջ) Գարդմանաց Փառխոտի, Քարհատի, Գետաբեկի և Սկանսպատի շուրջը պտտելիս ես պատահեցի չին բաղմաթիւ հանքային բովտեղերի, մանաւանդ Քարհատի ձորը, ուր հարիւր հազարաւոր մարդիկներ աշխատել են այնտեղ. անհամար չին հանքահորերով (շախթ) բոլոր տարածութեան մակերևոյթը ծածկված են: Յայտնի չէ թէ ինչ են հանել երկրի խորքերից: 1863-ին Սկանսպատում, մի պղնձի հանքահօր գտնվեց, լիքը հանքային գործիքներով: Փիփ գիւղի բաղլեղի հարուստ չին հանքի մօտ մի տեսակ սպիտակագոյն մարմարի հանք կայ, ուր դեռ նշմարվում են չին սղոցած կտորներ: Բանանց և Խաչակապ գիւղի հայերը մինչև այժմ էլ շարունակում են բովագործել իւրեանց հանքերի երկաթը: Փիփեցիք մին-